



2020.

BUDŽET ZA GRAĐANE OPĆINA ZAVIDOVIĆI



OSTVARITE UVID U NAČIN NA
KOJI LOKALNA VLAST
PLANIRA, RASPODJELEUJE I
TROŠI VAŠA SREDSTVA – IZ
BUDŽETA OPĆINE
ZAVIDOVIĆI

**BUDŽET OPĆINE ZAVIDOVIĆI
ZA 2020. GODINU**

12.284.515,85 KM

Broj stanovnika: 35.988

Površina: 555,69 km²

Broj mjesnih zajednica: 21

ŠTA JE I ZAŠTO „BUDŽET ZA GRAĐANE“

Drage sugrađanke i sugrađani,

Želim vam predstaviti Budžet za građane Općine Zavidovići, kako bismo vam približili općinske finansije i što bolje vas upoznali sa najvažnijim dokumentom potrebnim za funkcioniranje naše općine.

U želji da dodatno podignemo nivo otvorenosti, transparentnosti i komunikacije sa vam, upoznat ćemo vas s mogućnostima i obavezama finansiranja iz općinskog budžeta sa ciljem da putem vaših prijedloga usmjeravamo budžetska sredstva na dobrobit svih stanovnika općine Zavidovići.



U ovom dokumentu nastojaćemo objasniti, ne jezikom struke, nego na način razumljiv svakom građaninu, način kreiranja i donošenja budžeta, budžetske termine, kratak redoslijed aktivnosti i tok budžetskog procesa prema budžetskom kalendaru, kao i mehanizme za uključivanje građana u proces usvajanja budžeta, čime će se doprinijeti većoj transparentnosti i odgovornosti u trošenju javnih sredstava.

Kao i ranijih godina i ovim Budžetom smo nastojali za sve stanovnike naše općine osigurati najviši nivo javnih usluga. Posebno smo vodili računa o zadržavanju standarda javnih potreba stanovnika, naročito u segmentu socijalnih prava te davanja za djecu svih dobi od predškolskog obrazovanja do studenata, ali smo isto tako povećali komunalni standard uređenja naše općine (nerazvrstane ceste, javna rasvjeta, javne površine, pješačke staze, ceste, groblja i dr.).

Imajući u vidu da je budžet i odraz lokalnih javnih politika, jasno je zbog čega u zemljama s razvijenom demokratskom kulturom postoji značajan interes javnosti za mnoga pitanja koja se tiču budžeta. U skladu s tim, zadatak organa lokalne samouprave (općine ili grada) jeste da obezbijedi javnost rada i pruži informacije o svim bitnim pitanjima u procesu kreiranja, usvajanja i izvršenja budžeta.

Pozivam Vas da učestvujete u stvaranju naše zajedničke budućnosti kakvu želimo, jer svoje potencijale možemo razviti samo ako vjerujemo da ćemo na taj način održati i unaprijediti svoju sredinu.

OPĆINSKI NAČELNIK

mr sci Hašim Mujanović

ŠTA JE BUDŽET ZA GRAĐANE ?

Budžet je ključni instrument pomoću kojeg Općina provodi svoju politiku u djela. Godišnji Budžet je obično veoma kompleksan dokument koji je teško razumljiv velikom dijelu javnosti i upravo zbog toga ovaj dokument treba građanima pomoći da razumiju budžet. Nije jedino važno da budžet bude dostupan javnosti, podjednako je važno i da on bude pristupačan i razumljiv. Budžet za građane predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu populacije.



Ako su u stanju da razumiju, građani onda mogu ostvarivati svoja građanska prava u demokratiji, postavljati pitanja koja osiguravaju da vlast objašnjava ono šta radi u njihovo ime.

ŠTA JE BUDŽET ?

Budžet je ključni instrument pomoću kojeg lokalna vlast provodi svoje politike u djela.

Budžet Općine je jednogodišnji dokument, kojeg priprema načelnik u saradnji sa općinskim službama/sektorima, a usvaja ga Općinsko vijeće. Budžet ima karakter finansijskog plana Općine za jednu godinu i predstavlja prognozu, ali je i više od toga: odredbe budžeta su obavezujuće za općinske organe na rashodovnoj strani i predviđeni izdaci se ne bi smjeli prekoračivati bez

rebalansa budžeta, odnosno bez izmjene budžeta po istoj proceduri po kojoj je donijet.



Budžet je akt koji iskazuje balansirane iznose planiranih prihoda i rashoda jedne kalendarske godine.

Budžet predstavlja temeljni finansijski dokument u kojem se utvrđuju programi, aktivnosti i projekti za budžetsku odnosno kalendarsku godinu.

Novac koji stiže u budžet općine je novac poreskih obveznika, a naša je obaveza da njime raspolažemo u najboljem interesu lokalne zajednice.

BUDŽETSKI PROCES I BUDŽETSKI KALENDAR ?

Budžetski proces se zasniva na analizi ostvarenja prihoda u proteklom periodu, procjenama ekonomske osnove, prioritarnim ciljevima i poslovima iz nadležnosti Općine Zavidovići, planiranim projektima i programima.

Budžetski kalendar zasniva se na odredbama Zakona o budžetima u FBiH, a u skladu sa Budžetskim kalendarom Općine Zavidovići za 2020. godinu, te Planom rada Općinskog načelnika i Općinskog vijeća Zavidovići.

Aktivnosti, prema budžetskom kalendaru počinju već tekuće godine, kada se izrađuje informacija o ekonomskoj fiskalnoj politici za tekuću godinu i procjena kretanja za naredne tri godine.

Već u martu sve potrošačke jedinice (Službe općine Zavidovići) dostavljaju prijedloge prioriteta za izradu **Dokumenta okvirnog budžeta (DOB)** koji se usvaja najkasnije u junu tekuće godine.

Služba za upravljanje ekonomskim poslovima i poduzetništvom potrošačkim jedinicama dostavlja uputstvo za pripremu zahtjeva za dodjelu sredstava iz budžeta. Potom, potrošačke jedinice dostavljaju zahtjeve za odobravanje rashoda sa planiranim iznosima, a na osnovu toga pristupa se izradi Nacrta budžeta.

Nacrt budžeta se upućuje na usvajanje Općinskom vijeću Zavidovići. U ovoj fazi moguće je učešće građana, kroz dostavljanje zahtjeva putem pisarnice Općine Zavidovići, putem grupa građana, NVO, vijećnika ili direktnim učešćem u javnoj raspravi koja se na određen datum održava u Velikoj sali Općine Zavidovići.

Nacrt budžeta objavljuje se na web stranici Općine Zavidovići – www.zavidovici.ba. Nakon završene javne rasprave, primjedbe i prijedlozi se sumiraju i u vidu izvještaja o provedenoj javnoj raspravi uz **Prijedlog budžeta Općine Zavidovići** dostavljaju Općinskom vijeću na usvajanje. U ovoj fazi izrade budžeta postoji indirektna mogućnost učešća građana putem amandmana.

Općinsko vijeće usvaja Budžet koji se potom objavljuje u „Službenom glasniku Općine Zavidovići“.



BUDŽETSKI KALENDAR

DO 15.02.2019.	<ul style="list-style-type: none">• Služba za upravu ekonomskih poslova i poduzetništva priprema budžetsku instrukciju br. 1 o načinu i elementima izrade Dokumenta okvirnog budžeta Općine Zavidovići za period 2020.-2022.
DO 15.4.2019.	<ul style="list-style-type: none">• Služba za upravu ekonomskih poslova i poduzetništva sa drugim službama priprema prijedlog prioriteta za izradu Dokumenta okvirnog budžeta Općine Zavidovići za period 2020.-2022.
DO 15.06.2019.	<ul style="list-style-type: none">• Služba za upravu ekonomskih poslova i poduzetništva priprema Dokument okvirnog budžeta i dostavlja ga Općinskom načelniku na usvajanje.
DO 30.06.2019.	<ul style="list-style-type: none">• Općinski načelnik usvaja Dokument okvirnog budžeta za period 2020.-2022.
DO 15.07.2019.	<ul style="list-style-type: none">• Služba za upravu ekonomskih poslova i poduzetništva izrađuje i dostavlja potrošačkim jedinicama Instrukciju broj 2 - smjernice za izradu budžetskih zahtjeva za 2020. godinu
DO 15.08.2019.	<ul style="list-style-type: none">• Potrošačke jedinice dostavljaju Službi za upravu ekonomskih poslova i poduzetništva zahtjeve za budžetsku 2020. godinu
DO 15.09.2019.	<ul style="list-style-type: none">• Služba za upravu ekonomskih poslova i poduzetništva obavlja konsultacije sa potrošačkim jedinicama u vezi sa zahtjevima i prioritetima budžetske potrošnje
DO 15.10.2019.	<ul style="list-style-type: none">• Služba za upravu ekonomskih poslova i poduzetništva dostavlja Općinskom načelniku Nacrt budžeta Općine Zavidovići za 2020. godinu
DO 01.11.2019.	<ul style="list-style-type: none">• Općinski načelnik sa Službom za upravu ekonomskih poslova i poduzetništva utvrđuje Nacrt budžeta Općine Zavidovići za 2020. godinu
DO 05.11.2019.	<ul style="list-style-type: none">• Općinski načelnik dostavlja Nacrt budžeta Općine Zavidovići za 2020. godinu, sa pratećom dokumentacijom propisanom Zakonom o budžetima u FBiH, Općinskom vijeću Zavidovići na usvajanje
DO 31.12.2019.	<ul style="list-style-type: none">• Općinsko vijeće Zavidovići donosi Budžet Općine Zavidovići za 2020. godinu

KO FINANSIRA POJEDINE NADLEŽNOSTI?

OPĆINA ZAVIDOVIĆI obavlja poslove iz samostalne nadležnosti koji su definisani Zakonom o principima lokalne samouprave u Federaciji BiH, kao i poslove koji su joj preneseni posebnim propisima.

Važno je pojasniti koliko je učešće Općine u finansiranju određene nadležnosti i poslova na lokalnom nivou.

OBLAST KOJU OPĆINA FINANSIRA	POTPUNO FINANSIRA OPĆINA	UGLAVNOM FINANSIRA OPĆINA	U MANJOJ MJERI FINANSIRA OPĆINA
OBRAZOVANJE			⊙
OPĆA UPRAVA (matični ured, javna uprava...)	⊙		
ZDRAVSTVENA ZAŠTITA			⊙
SOCIJALNA ZAŠTITA		⊙	
KULTURA			⊙
PROSTORNO UREĐENJE	⊙		
KOMUNALNE I DRUGE USLUŽNE DJELATNOSTI	⊙		
ZAŠTITA OKOLINE			⊙
SAOBRAĆAJ			⊙
CIVILNA ZAŠTITA	⊙		


BUDŽET KROZ GODINE ?

Budžet Općine Zavidovići za 2020. godinu iznosi 12.284.515,85 KM i to je najveći općinski budžet u poratnom periodu. U 2009. godini usvojen je budžet u iznosu od 7.303.195,00 KM.

Budžet Općine je u odnosu na 2009. godinu porastao sa 7.303.195,00 KM na 12.284.515,85 KM ili za 68,21%, a u odnosu na 2010. Za 76,21%.

Općina Zavidovići nema kreditnih zaduženja, nema problema sa likvidnošću i svoje obaveze izmiruje u najkraćim rokovima, te je poželjan partner u poslovanju.

PREGLED USVOJENIH BUDŽETA OPĆINE ZAVIDOVIĆI 2009.-2020.



KAKO SE PUNI BUDŽET ?

STRUKTURA PRIHODA

Budžetski prihodi se dijele na **porezne i neporezne, te grantove i primitke.**

Porezni prihodi se sastoje od **indirektnih i direktnih.**

Indirektni porezi su najvažniji prihod budžeta svih nivoa vlasti. Zbog njihove važnosti regulisani su državnim Zakonom i prikupljaju se na državnom nivou, a potom se dijele na entitete i Brčko distrikt. Podjela na Federaciju BiH, kantone i općine je regulisana federalnim propisima.




Indirektni porezi su vezani za promet roba i usluga, a uključuju porez na dodatnu vrijednost (**PDV**), akcize, carine i druge vezane dadžbine.

Direktni porezi su regulisani federalnim propisima, tako da općinska uprava nema direktnog utjecaja na njih. Vezani su isključivo za imovinu građana (promet nepokretnosti, zakup i dr.) i porez na dohodak.


Neporezni prihodi su definisani i regulisani od strane općinskog nivoa vlasti, tako da je uticaj na iste direktan. Sastoje se od naknada, taksi, renti, koncesija, zakupa, te prihoda od pružanja usluga Organa uprave.

Grantovi predstavljaju sredstva koja se doznavačavaju Općini iz budžeta viših nivoa vlasti, međunarodnih i domaćih institucija. Mogu biti tekući i kapitalni. I jedni i drugi imaju namjenski karakter koji se definiše od strane davaoca granta (stambeno zbrinjavanje, stipendiranje, izgradnja infrastrukture i slično).




STRUKTURA PRIHODA 2020.



STRUKTURA RASHODA 2020.



Pored rashoda i izdataka koji su planirani za obavljanje osnovne djelatnosti jedinstvenog općinskog organa uprave, općinskog vijeća i mjesnih zajednica u skladu sa zakonskim nadležnostima, planirani sui rashodi izdaci u skladu sa ciljevima i projektima utvrđenim u Strategiji integriranog razvoja općine Zavidovići 2017.-2026., programima rada i na osnovu javne rasprave o Nacrtu budžeta.



ULAGANJA U INFRASTRUKTURU



Kapitalni projekti su jedna od najvažnijih aktivnosti lokalne zajednice ukoliko je opredijeljena za izgradnju novih objekata i građevinske infrastrukture. Istovremeno, kapitalni projekti iziskuju i najveće sume novca i troše dobar dio budžetskih sredstava. Općina Zavidovići kontinuirano ulaže u izgradnju novih objekata, saobraćajnica, mostova, sportskih sala, sistema vodosnabdijevanja i kanalizacije i u tom pravcu će nastaviti i u 2020. godini.

kapitalni projekti – projekti čija izvedba (izgradnja) traje duže od godine dana i od kojih se očekuje povrat (korist, dobit) u godinama nakon izgradnje (škole, bolnice, autoceste, mostovi i sl.).

Dio planiranih ulaganja u poboljšanje infrastrukture u toku 2020. godine:

1. Investiciono održavanje, rekonstrukcija i sanacija ulica:

- Oslobodilaca Vožuće 62.010,00 KM
- Oslobodilaca Kleka 23.400,23 KM
- Enesa Kalabića 20.000,00 KM
- Rekonstrukcija raskrsnice H.K. Gradaševića i Ul. Zlatnih Ljiljana 30.000,00 KM
- Rekonstrukcija ulica u naselju „Caritas“ 30.000,00 KM
- Rekonstrukcija ulice Prvomajska 20.000,00 KM
- Rekonstrukcija ulice 15. Septembar 50.000,00 KM

2. Uređenje dvorišta / izgradnja parkinga ispred zgrada:

- „Mostarka“ 24.000,00 KM
- „Samačka“ 28.000,00 KM

3. Investiciono održavanje, rekonstrukcija i sanacija dijela lokalnih cesta:

- Dolac-Tursići 21.294,00 KM
- Zavidovići – Pašin Konak 73.714,50 KM
- Mramorje – Mednik 37.638,77 KM


4. Investiciono održavanje, rekonstrukcija i sanacija dijela nerazvrstanih cesta:

- Sanacija ceste kroz naselje Potklečje 40.000,00 KM
- Sanacija ceste u Bajvatima 10.000,00 KM
- Sanacija ceste u Kuljanima 20.000,00 KM
- Sanacija ceste Breza – Mustajbašići 20.000,00 KM
- Sanacija ceste Kovači – G. Kovači (kod škole) 20.000,00 KM

5. Izgradnja mostova:

- Izgradnja mosta preko rijeke Gostović u Stipovićima (učešće Općine)
271.928,80 KM
(ukupna investicija 471.928,80 KM)
- Izgradnja mosta Dolina-Alići, preko rijeke Bosne (učešće Općine)
266.000,00 KM
(ukupna investicija KM)
- Dovršetak mosta preko rijeke Gostović na 7. Km (učešće Općine)
39.772,07 KM
(ukupna investicija 79.772,07 KM)

RASPODJELA BUDŽETA PREMA FUNKCIONALNOJ KLASIFIKACIJI



01 - OPĆE JAVNE USLUGE

BRUTO PLAĆE I NAKNADE PLAĆA
PUTNI TROŠKOVI
IZDACI ZA ENERGIJU
IZDACI ZA KOMUNKACIJU I KOMUNALNE USLUGE
NABAVKA MATERIJALA
IZDACI ZA USLUGE PREVOZA I GORIVA
UNAJMLJIVANJE IMOVINE, OPREME I NEMATERIJALNE IMOVINE
IZDACI ZA TEKUĆE ODRŽAVANJE
IZDACI OSIGURANJA, BANKARSKIH USLUGA I USLUGA PLATNOG PROMETA
UGOVORENE USLUGE
IZDACI ZA RAD KOMISIJA – NAKNADE ČLANOVIMA KOMISIJA KOJE IMENUJE OPĆINSKO VIJEĆE
IZDACI ZA NAKNADE VIJEĆNICIMA
TEKUĆI TRANSFERI MJESNIM ZAJEDNICAMA
TEKUĆA BUDŽETSKA REZERVA

02 - CIVILNA ZAŠTITA

IZDACI ZA OPREMANJE STRUKTURA CIVILNE ZAŠTITE

IZDACI ZA PRIPREMANJE, OBUKU I VJEŽBU STRUKTURA CIVILNE ZAŠTITE

IZDACI ZA NAKADU UČEŠĆA LJUDI I MATERIJALNIH SREDSTAVA U ZAŠTITI I SPAŠAVANJU

IZDCI ZA FINANSIRANJE HITNIH MJERA ZAŠTITE I SPAŠAVANJA

IZDACI Z AUČEŠĆE U PROVOĐENJU PREVENTIVNIH MJERA ZAŠTITE I SPAŠAVANJA

TROŠKOVI GORIVA

IZDACI ZA IZRADU PROJEKATA I SANACIJU KLIZIŠTA

IZDACI ZA DEMINIRANJE

TROŠKOVI PROJEKTOVANJA, NABAVKE I INSTALIRANJA VIDEO NADZORA GRADSKOG PODRUČJA

NABAVKA VATROGASNOG VOZILA

03 – JAVNI RED I SIGURNOST

IZDACI ZA OPREMANJE I NABAVKU MATERIJALNO TEHNIČKIH SREDSTAVA ZA OPVJ

04 – EKONOMSKI POSLOVI, POLJOPRIVREDA, TRANSPORT I KOMUNIKACIJE

IZGRADNJA, REKONSTRUKCIJA, INVESTICIONO I TEKUĆE ODRŽAVANJE LOKALNIH I NERAZVRSTANIH CESTA

IZGRADNJA I REKONSTRUKCIJA VODOVODA I KANALIZACIJA

UREĐENJE TAKSI STAJALIŠTA

ODRŽAVANJE URBANE INFRASTRUKTURE

PODRŠKA PROJEKTIMA KOJI SE FINANSIRAJU IZ VANJSKIH IZVORA

UČEŠĆE U FINANSIRANJU REGIONALNE I LOKALNE RAZVOJNE AGENCIJE

RAZVOJ POLJOPRIVREDE

RAZVOJ TURIZMA

RAZVOJ PRIVREDE I POTICAJ ZAPOSŁJAVANJU

05 – ZAŠTITA ŽIVOTNE SREDINE

ODRŽAVANJE JAVNIH POVRŠINA, GRADSKIH I PRIGRADSKIH ULICA

ZBRINJAVANJE PASA LUTALICA

ZBRINJAVANJE OTPADA I SANACIJA GRADSKE DEPONIJE

ZAŠTITA I UNAPREĐENJE ŽIVOTNE SREDINE

06 – STAMBENI I ZAJEDNIČKI POSLOVI

JAVNA RASVJETA (POTPROŠNJA, ODRŽAVANJE, IZGRADNJA)

OBILJEŽAVANJE ULICA, ZGRADA, MOSTOVA

DIGITALIZACIJA URBANOG DIJELA OPĆINE

PROSTORNO – PLANSKA DOKUMENTACIJA

MLADI (PODRŠKA AKTIVIZMU I TRANSFER ZA MLADE)

STAMBENO ZBRINJAVANJE

**IZGRADNJA ZGRADE ZA BORAČKA UDRUŽENJA I IZGRADNJA SPOMEN
OBILJEŽJA**

**NABAVKA OBJEKATA (javna rasvjeta, mostovi, ceste, vodovod,
kanalizacija)**

INVESTICIONO ODRŽAVANJE ZGRADE OPĆINE

07 – ZDRAVSTVO

ZDRAVSTVENA ZAŠTITA ZAPOSLENIH

**TRANSFERI DOMU ZDRAVLJA (prevoz oboljelih na dijalizu, oboljeli od
PTSP, penzioneri, hitna med. pomoć i higijensko-epidem. djelatnost)**

ZDRAVSTVENI SAVJET

DERATIZACIJA

08 – SPORT, KULTURA I RELIGIJA

CENTAR ZA KULTURU

JAVNA BIBLIOTEKA

SPORTSKI SAVEZ

GRADSKA DVORANA

PODRŠKA VJERSKIM ZAJEDNICAMA I CRKVAMA

KULTURNE DJELATNOSTI, MANIFESTACIJE I BRATIMLJENJA

FIZIČKA KULTURA I SPORT

SPORTSKE MANIFESTACIJE

ODRŽAVANJE I OČUVANJE KULTURNO-HISTORIJSKE BAŠTINE

09– OBRAZOVANJE

NAGRADE STUDENTIMA I UČENICIMA SREDNJIH I OSNOVNIH ŠKOLA

STIPENDIRANJE STUDENATA

PODRŠKA INKLUZIVNOJ NASTAVI

PREDŠKOLSKO OBRAZOVANJE I VASPITANJE

SUBVENCIONIRANJE TROŠKOVA PREVOZA UČENIKA

NABAVKA UDŽBENIKA ZA DJECU BRANILACA

**JU CENTAR ZA DJECU I ODRASLE OSOBE SA POSEBNIM POTREBAMA
ZDK**

IZGRADNJA, REKONSTRUKCIJA I ODRŽAVANJE ŠKOLSKIH OBJEKATA

PODRŠKA RADU I PROJEKTIMA u g „MALA SIRENA“

09– SOCIJALNA ZAŠTITA

CENTAR ZA SOCIJALNI RAD

JEDNOKRATNE, HITNE I VANREDNE POMOĆI (porodilje, radnici PD „Krivaja Mobil“, socijalno ugrožena lica)

POMOĆ ZA STAMBENO ZBRINJAVANJE SOCIJALNO UGROŽENIH KATEGORIJA, ALTERNATIVNI SMJEŠTAJ, BORAČKE POPULACIJE

BORAČKO-INVALIDSKA ZAŠTITA

SUFINANSIRANJE PRIBAVLJANJA ODOBRENJA ZA GRAĐENJE ZA BORAČKU POPULACIJU

SUFINANSIRANJE TROŠKOVA DJELATNOSTI I PROJEKATA BORAČKIH UDRUŽENJA

PODRŠKA PROJEKTIMA NEVLADINOG SEKTORA

SUFINANSIRANJE RADA SIGURNE KUĆE „MEDICA“ ZENICA

SUFINANSIRANJE PROJEKATA FONDACIJE „MOZAIK“

TRANSFER OO „CRVENI KRIŽ“ (redovna djelatnost i akcija darivanja krvi)


TRANSFER MDD „MERHAMED“ (redovna djelatnost i javna kuhinja)

POMOĆ UDRUŽENIMA PTSP I „SLATKI DANI“

POMOĆ ZA LIJEČENJE DJECE

RASPODJELA BUDŽETA PREMA FUNKCIONALNOJ KLASIFIKACIJI

■ OPĆE JAVNE USLUGE	4.575.076,04 KM
■ CIVILNA ZAŠTITA	388.000,00 KM
■ JAVNI RED I SIGURNOST	55.000,00 KM
■ EKONOMSKI POSLOVI POLJOPRIVREDA, TRANSPORT I KOMUNIKACIJE	1.366.800,00 KM
■ ZAŠTITA ŽIVOTNE SREDINE	480.000,00 KM
■ STAMBENI I ZAJEDNIČKI POSLOVI	2.456.639,81 KM
■ ZDRAVSTVO	166.000,00 KM
■ SPORT, KULTURA I RELIGIJA	442.000,00 KM
■ OBRAZOVANJE	889.000,00 KM
■ SOCIJALNA ZAŠTITA	1.466.000,00 KM



BUDŽET ZA GRAĐANE OPĆINE ZAVIDOVIĆI JE POJEDNOSTAVLJEN I ILUSTROVAN Prikaz procesa donošenja budžeta, kao i dijela dokumenata budžeta općine Zavidovići.

OVaj prikaz omogućava vam da razumijete kako lokalna vlast za vas i u vaše ime troši novac.

PITAJTE I UČESTVUJTE U IZRADI I DONOŠENJU BUDŽETA OPĆINE ZAVIDOVIĆI!



KONTAKT:

OPĆINA ZAVIDOVIĆI

e-mail: opzdici@bih.net.ba
opcina.zavidovici@zavidovici.ba